



Nikolaj Jeremiassen
Inatsisartunut ilaasortaq
Inatsisartut
/MAANI

Kalaallit aqumiut aalisartullu pillugit § 37 nr. 2015-157-imut akissuteqaat

Inatsisartut Suleriaasianni § 37, imm. 1. naapertorlugu aalisarnermut tunngasunik Naalakkersuisunut apeqquteqarputit. Apeqqutit uannut akineqartussanngortinneqarsimapput.

Apeqqutit:

1. Pisortat suliffeqarfiutaani avataasiarluni aalisarnermik ingerlataqartumi pinngitsoorani kalaallinik aqumiunik sulisoqartalernissaanik Naalakkersuisut qaqugu piumasqaateqalerniarpat?
2. Imartatsinni pisuussutit uummassusillit nammineq pigisatsit taakkartortarpavut, taamaakkaluartoq suli ulloq manna tikillugu isiginnaartuinnartut aalisartortavut inissisimatippavut, paaserunnarsivorlu qaqugu aalisartuq nunamini salliutinneqarluni pisassinneqartalissava?

Akissut:

1-imut)

Kalaallit aalisariutaanni inuttalersuisarneq pillugu Namminersorlutik Oqartussat nalunaa-rutaat nr. 13, 17. november 2011-imeersoq naapertorlugu inuttaasut officeriusut minnerpaamik 60 procentii kalaallisut innuttaassuseqassapput. Tassa imaappoq, Kalaallit Nunaanni inuit aqqisa nalunaarsorsimaffianni qaammatisiutit ukiuini kingullerni marlunni sivikinnerpaamik nalunaarsorsimassallutik, kiisalu tamakkiisumik Kalaallit Nunaanni akileraartartussaataassallutik. Inuttat sinneri officeriunngitsut, tamarmik kalaallisut innuttaassuseqassapput. Nalunaarut uani nassaarineqarsinnaavoq: http://inatsisit.gl/Lov?rid=%7bCD815FBC-CD10-446B-8680-F6A2C869252E%7d&sc_lang=kl-GL

2-mut)

Aalisarneq pillugu inatsimmi § 6 naapertorlugu, inuussutissarsiutigalugu aalisarneq taamaallaat angallatinik piginnittoqarnertik naapertorlugu Kalaallit Nunaanni angerlarsimafeqartunik ingerlanneqassaaq. Tassa imaappoq, piginnittoq piginnittulluunniit kalaallisut innuttaassuseqassapput. Taassuma nassuiaataa apeqqut 1-imut akissuteqaammi takuneqarsinnaavoq. Tamatumani inatsit allanngortikkusunneqarpat, tamanna pillugu siunnersuuteqartoqarsinnaavoq.

Inussiarnersumik inuulluaqqusillunga

Karl-Kristian Kruse

02-07-2015
Suliani normu 2015-116048
All. nr. 2004213

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl